



20. august 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naliliinerit suut tunngavigineqarpat Killavaat Alannguanni piaanissamut akuersisummik Tanbreez-ip nalunaarfigineqarnerani?**
- 2. Naliliinerit taakku, VVM aamma VSB, tamanut qanga tusarniaassutigineqarpat?**
 - a. Naliliinerit taakku tusarniaassutigineqarsimangippata, tamatumunnga suna patsisaava?**
- 3. Piaanissamut akuersisummi ilaappat qinngornernik ulorianartunik akullit pinngoqqaatit?**
 - a. Taamaassimappat; qinngornerit ulorianartut qanoq annertutigisut avatangiisinut siaruaatissappat?**
 - b. Qinngornernik ulorianartunik akullit avatangiisinut siaruaattut akui akuerisaasumit qaffasinnerulissappata taava aatsitassarsiorneq pineqartoq Naalakkersuisut unitsissavaat?**
- 4. Killavaat Alannguata avataanittoq imartaq aalisarfivuq qanittuanilu nunalerinermik ingerlatsisut arlaqarput.**
 - a. Aalisarnerup nunalerinerullu Killavaat Alannguanni aatsitassarsiorneq pitsaanngitsumik eqqorneqarnissaat pinngitsoorniarlugu Naalakkersuisut qulakkeerinnippat?**
 - b. Qulakkeerinninniarlutik Naalakkersuisut qanoq iliuuseqarpat?**
 - c. Aatsitassarsiorneq aalisarnermik nunalerinermillu ingerlatsisunut ajortumik kinguneqassappat taava inuussutissarsiortut taakku taarsiiffigineqarnissaminnik Naalakkersuisunut aamma/imaluunniit Tanbreez-imut piumasaqarsinnaappat?**
- 5. Killavaat Alannguanni piaanissamut akuerisissummik Naalakkersuisut Tanbreezimut nalunaaruteqanerminni piumasaqarpat Killavaat Alannguanni kemiskiusumik**

suliarinninnissamik peqassasoq?

- a. Taamaassimappat; suna pissutigalugu Naalakkersuisut taamatut piumasaqarpat akuerinnillutillu?**
- b. Taamaassimangippat; suna pissutigalugu Naalakkersuisut piumasaqanngillat akuersinatillu?**

6. Killavaat Alannguanni pilersinneqassava piiakkanik suliarinnittarfik?

- a. Taamaattoqassappat; ullup ataatsip ingerlanerani svovlsyre qanoq annertutigisoq atorneqartassava?**
- b. Svovlsyre taanna sumut inginneqartassava?**

7. Killavaat Alannguat inissisimavoq Kujataa Unesco Nunarsuarminiunut Kingornussassiamut qanittumi.

- a. Aatsitassarsiornissaq sumiiffimmut tassunga pineqartumut qanoq sunniuteqarsinnaanersoq pillugu misissuisoqarsimava (Heritage Impact Assessment, HIA)?**
- b. Aatsitassarsiornissamut pilersaarut UNESCO-imut saqqummiunneqarsimava, Nunarsuarminiunut Kingornussassasiaqartitsisarnermut malerugassat §172 naapertorlugu nalilersorneqarsinnaaqullugu?**

(Inatsisartuni ilaasortaq Sofia Geisler, Inuit Ataqtigiit)

Tunngavilersuut:

Naalakkersuisut nalunaarutigeqqammerpaat Tanbreez-ip piaanissamut akuerissummik nalunaarfigineqassasoq.

Akuersissummik tunineqarnissaanut nalunaaruteqarnissamut sorpiaat tunngaviunersut imaasiinnarlugu takuneqarsinnaanngilaq. Ilisimangilarput avatangiisinut inuiaqatigiinnullu sunniutissai pillugit pingaarutilinnik nalilersuisoqarsimanersoq, taakkumi kikkunnik tamani takuneqarsinnaasussaagaluardmata.

Inuit Ataqtigiinniit utaqqissavarput piaanissamik akuersissummik tunniussisoqarnissaanut tunuliaqutaasut sorpiaanersut takussutissiisut paasissutissat pissarsiarinissaat.

Kissaatigivara apeqqutima ullut suliffiusut qulit qaangiutinnginneranni akineqarnissaat.